



Inatsisartuni ilaasortaq Peter Olsen, Inuit Ataqtigiit
/maani

**Kangerlussuaq aamma Narsarsuaq pillugit § 37 naapertorlugu apeqquteqaammut
2019-300-mut akissut**

10-09-2019
Suliaq nr.: 2019 - 19371
Id nr. 44359468

Asasara Peter Olsen

Inatsisartut suleriaasianni § 37 naapertorlugu Kangerlussuaq aamma Narsarsuaq pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

**1. Narsarsuaq pillugu suleqatigiissitap sulinera qanoq killiffeqarpa? a.
Suleqatigiissitap qasseriarluni ataatsimiittarsimava? b. innuttaasunillu qanoq
akuutinneqarpat?**

Akissut: Tusagassiorfinnut nalunaarutigaa 11. maj 2019-imeersoq, "Peqatigiiffik "Bevar Narsarsuaq" anivoq pillugu nutaarsiassamut oqaaseqaat", kiisalu tusagassiorfinnut nalunaarut 4. juli 2019-imeersoq, "Narsarsuup siunissaa pillugu Suleqatigiissitami nalunaarusiaq" innersuussutigissavakka. Taakkunani allassimavoq suleqatigiissitap nalunaarusiani naalakkersuinikkut aqutsisooqatigiinnut tunniussimagaa. Tassunga tunngatillugu ilassutigisinnaavara, Kommune Kujallermi kommunalbestyrelsen 18. september 2019-imi ataatsimiinnerani suliarineqartussanngortoq ilisimatinneqarama.

**2. Kangerlussuaq pillugu suleqatigiissitap sulinera qanoq killiffeqarpa? a.
Suleqatigiissitap qasseriarluni ataatsimiittarsimava? b. innuttaasunillu qanoq
akuutinneqarpat?**

Akissut: Illersornissaqarfik Kangerlussuarmiiginnarnissaminnik kissaateqarnerannut atatillugu Namminersorlutik Oqartussat Qeqqata Kommunia suleqatigalugu suleqatigiissitaliaanni sulinermi piffissamut pilersaarut iluarsineqarpoq. Illersornissaqarfik kissaateqarnerata kingunerisassaannik Kangerlussuup siunissaa pillugu sulinermit kingunerisassat ilanngunneqarnissaat Naalakkersuisunit pingaartinneqarpoq.

Kisiannili aasaanerani sulinngiffeqarnissaq sioqqullugu folketingimut qinersisoqartussanngornerata nalunaarutigineqarnera peqqutigalugu Illersornissaqarfik suleqatigalugit suleqatigiissitami suliat kinguaattoortinneqarput.

Qeqqata Kommunia suleqatigalugu suleqatigiissitap sisamariarluni ataatsimiippoq, kiisalu UKA 2018-imi mittarfiit pillugit aalajangiisoqarnerata, aammalu 2019-imi januaarimi suliasat allattorsimaffiata akuerineqarnerata kingorna killiffiit pillugit annikinnerusumik ataatsimiilluni.

Ilisimatitsissutigisinnaavara suleqatigiissitami suliat suliassat allattorsimaffiat naapertorlugu isertuussaammata, taamaattumillu suleqatigiissitami suliat aalajangersimasut pillugit oqaaseqarsinnaanngilanga.

3. Kangerlussuaq pillugu suleqatigiissitaq mittarfiit pillugit UKA2018-imi aaliangereernerup kingorna qasseriarluni ataatsimiittarsimava?

Akissut: Apeqput 2-mut akissut takuuk.

4. Kangerlussuaq pillugu suleqatigiissitap kommissorieaata 18. Januar 2019-imi pilersinneqarnerata kingorna, suleqatigiissitaq qasseriarluni ataatsimiissimava?

Akissut: Apeqput 2-mut akissut takuuk.

a. Ataatsimiittarnerit sulinerup siuariartorneranik kinguneqartarsimappat? b. Suleqatigiissitami ilasortasut sulineq pitsaasutut isumaqarfigaat?

Akissut: Apeqput 2-mut akissut takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Karl Frederik Danielsen